



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), Skupština Brčko distrikta BiH na 12. redovnoj sjednici održanoj 24. maja 2017. godine, usvaja

**ZAKON
O IZMJENAMA I DOPUNAMA
ZAKONA O PROSTORNOM PLANIRANJU I GRAĐENJU**

Član 1

U Zakonu o prostornom planiranju i građenju (Službeni glasnik Brčko distrikta BiH, broj 29/08) u članu 16 stavu 5 riječi: „koji prestaje važiti njegovim provođenjem, odnosno istekom vremenskog perioda“ brišu se.

Iza stava 5 dodaju se novi stavovi 6 i 7 koji glase:

„(6) Strategija, prostorni plan i urbanistički plan važe i nakon isteka perioda na koji su doneseni, do donošenja novih.

(7) Važenje provedbenih planova može se produžiti odlukom Skupštine Brčko distrikta BiH za još deset godina uz prethodnu analizu opravdanosti njihovog produženja.“

Dosadašnji stav 6 postaje stav 8.

Član 2

U članu 107 Zakona o prostornom planiranju i građenju iza stava 1 dodaje se novi stav 2 koji glasi:

„(2) Uz zahtjev za izdavanje odobrenja za građenje za postavljanje privremenih građevina na javnim površinama investitor prilaže:

- a) lokacijske uslove, konačne u upravnom postupku;
- b) ugovor o zakupu javne površine radi postavljanja privremene građevine;
- c) original ili ovjerenu fotokopiju katastarskog plana;
- d) tri primjerka glavnog projekta;
- e) izvještaj o obavljenoj reviziji glavnog projekta u skladu s članom 89 ovog zakona ako je potrebna;
- f) izvještaj o izvršenoj nostrifikaciji u slučajevima iz člana 77 ovog zakona;
- g) druge priloge određene posebnim zakonima.“

Dosadašnji stav 2 postaje stav 3.

Član 3

Ovaj zakon stupa na snagu prvog narednog dana od dana objavljivanja u Službenom glasniku Brčko distrikta BiH.

Broj: 01-02-137/17

Brčko, 24. 5. 2017. godine

PREDSJEDNIK
SKUPŠTINE BRČKO DISTRIKTA BiH
Esed Kadrić